

# Тосхлтин материал хулдгвиг делгрүлхмн

Партъ болн правительств, советск улсин бээдл-джиргъл ясруулгънд та-срхан уга килмджан огна. Тер дотр күч-көлсчир бийсдэн бээх гермүд тосхлгынг теткльгяр ода ик оньг, донь өггддженә.

Сүл 2—3 джилмүдт партъ болн правительств мана республикин күч-көлсчирин бээдл-джиргъл ясруулгънд ик килмджан, доньган огчәнә. Тер ик килмджин шилчәр төрсин гә-зруги нүүдж ирсн хальмг улс ахр цагин дунд, сарул сән гермүд бәрдж авчана.

Мана республикин селәдәр, колхозмудар болн совхозмудар, мана хотл балгьсна — Элстд нег кевтә-кецтә гермүд тосхлгын джия болгын, сар болгын бсәд йовна.

Иим ик тосхлтин өслтд, терүг тосхлтин материалар теткльгънд нег ик чинр зүүдгях организац — Элстин тосхлтин мод болн нег кевтә-кецтә гермүд хулдлгъна баз. Эн баз, эн джилә 9 сара зурагъан 135 процент хуцадж. Зуг эн джилин 9 сарин

эргцд республикин хотл балгьснд болн селәдт 296 нег кевтә-кецтә гермүд, 55.000 гер бүрждг шифер, нань чигн кест тосхлтин материалмуд хулддж.

Ода эн базд нег кевтә-кецтә олин зүсн шин 70 гермүд болн доскс, терзин шил. цемент, тоосх, штакетнижүд, драккс, күрзин ишмүд, харгъа шуургъс, нань чигн тоотс, шин гермүд бәрджәх күч-көлсчирт, совхозмудт болн колхозмудт кергтә тосхлтин материалмуд бәәнә. Деернь тасрлтан уга ирәд бәәнә. Ода Дивнә станц деер ирчксн 250 машин ацан гарх олин зүсн тосхлтин материалмуд кевтнә. Энүг машинд уга болсн учрар, эн баз цаглянь зөөддж, Элстд бәәсн складурн авч чаддж бәәхш. Сар болгын машинд гаргьдж өлөд донь болх зөвтә. Хальмг автотранспортн контор октябрь сард нег чигн маши өс өгч.

Йосар болхла, эн баз, тосхлтин материал болн гер хулддж авсн күүнд, терүгинь гертнь жүртгдж өлх зө

втә. Болв тинм эргъ эднд ода уга юнъгад гихлә бәәсн гурви машинь төгәс уга болад кевтнә.

Ирх 1960 джил эн баз тосхлтин 10,5 сай арслнъга материал болн гермүд амтнд хулдх зөвтә. Иим ик зураг күцәлгънд эднд багъ гихдән аца зөөдг 10 машин кергтә. Давад болхла, тосхлтин материалмудит болн белн гермүдиг хулддж авх улст өөрдүлхин кергт Улан-Холин станц деер болн Садовой селәнд гүүлгәнә складмуд гаргъх кергтә. Юнъгад гихлә, республикин райодар тосхлтин материал кергдгях күч-көлсчир йир олин. Элстәс зөөдх тедх хол. Тер учрар, тосхлтин материал болн белн гермүдиг амтнд өөрдүлх керг — ик чинртә төр.

Хальмг АССР-н гүүлгәнә министрств эн базин юдлмшиг бдгә цагт ик чинртә, туста керг гидж тоолд, килмджән, доньган сулхл уга өгх зөвтә.

Г. УБУШАЕВ.